

## WEEK 5 - HERHALINGS VAN BERIGTE/INLIGTING IN 'N VORIGE VRYPOS

### BEDIENINGSBEGELEIDING Jonk Vrystaat



**Jongres 2019:** Hierdie geleentheid vir alle hoërskoolleerders, studente en jong volwassenes, word **vanaf 15 Maart om 15:00 - 16 Maart 2019 om 17:00**, by die NG Gemeente Hugenoet (Picardystraat 2, Bayswater), aangebied. Bywoning vir hoërskoolleerders is gratis, studente betaal R150pp en volwassenes R250pp - dit sluit etes vir Vrydagaand en Saterdagmiddag in. **Registrasie is noodsaaklik vir almal - indien jy dit nie doen nie, kan jy dit nie bywoon nie!** **Inskrywings sluit op Vrydag 8 Maart 2019** - klik [hier](#) vir die inskrywingsvorm. **Predikante kan 15 x VBO-punte verdien** deur dié geleentheid by te woon.

Jonk Vrystaat se Jongres 2019 is die plek waar Vrystaatse jong gelowiges hulle sê in die kerk kan sê. Kom praat, *worship* en droom saam met God se huisgesin. Kom deel jou hart in ons gesprekke en help om die dak met julle *worship* te lig! Hierdie jaar se Jongres gaan oor ons seksualiteit! Hoe help die kerk ons daarmee? Hoe praat ons daaroor? Wat sê die Bybel regtig oor verhoudings, seks en die uitleef van ons seksualiteit? Ons gaan saam lag (BAIE!) en saam huil. Meer nog... ons gaan saam droom oor hóé ons beter as kerk kan doen om jongmense regtig te help en te lei om God se hart ook oor ons seksualiteit te hoor.



### #imagine-sentraal by Nampo Park (Bothaville) vanaf 29

**- 31 Maart 2019:** Maak jou gemeente, jou volwasse lidmate en jou tieners deel van die grootste samekoms van jongmense in die land. Meer nog, sien hoe hulle na hierdie byeenkoms terugkeer en in die gemeente, hulle skole, huise en dorpe 'n reuse verskil begin maak! Vir die bekendstellingsvideo op *YouTube*, klik [hier](#) - **gemeentes, wys dit gerus tydens julle eredienste!** Klik ook [hier](#) vir 'n dokument waar die **#imagine- marketing press kit** saam met die **#imagine pre- en post-experience- pakkette**, bekend gestel word, volg net die webskakels (dit sal help om tieners vir die byeenkoms voor te berei). Die volgende is

die kontakpersone vir die Vrystaat-geleentheid, skakel hulle gerus vir enige navrae of hulp wat verlang word:

Christo Nel - 076 943 2006

Johan Visser - 072 603 3205

Joe Müller - 082 337 6442

Ettienne Engelbrecht - 082 850 7807

# GEMEENTENUUS

## NG Kroonstad-Oos bied aan - 'n Optrede deur Jo Black:

**Datum:** Saterdag 23 Februarie 2019

**Tyd:** 19:00

**Plek:** Afrikaanse Hoërskool (Roiskool)  
(Du Toitstraat, Môrewag, Kroonstad)

**Koste:** Volwassenes, R130pp  
Kinders O/12, R80pp

*Kaartjies is by NG Kroonstad-Oos se kerkkantoor  
beskikbaar, skakel 056 212 1633*



## NG Boshof (Kerkstraat 10):

NG KERK BOSHOFF

# Aandbasaar

Vrydag 1 Maart 2019  
17:00 - 21:00  
@Kerkgebou

Die kos is smaaklik, die geselskap onverbeterlik.  
Kom maak 'n draai en geniet die aand!

**NG Bedelia, Welkom se Wildsfees:** Alhoewel dit nog geruime tyd is voordat hierdie geleentheid plaasvind, wil die gemeente reeds met die bemarking daarvan begin. Klik gerus [hier](#) vir al die besonderhede rakende die geleentheid, asook die kompetisie wat daarmee saamloop.

**Hulle kerkgebou is geleë te Brutusstraat 5, Bedelia, Welkom.**

## NG Gardeniapark, Bloemfontein:

# Loof & prys aand!

Die Vrouebediening nooi alle vroue van Bloemfontein & omgewing om die Here saam met hulle te loof en prys!

Meer inligting skakel 051 522 0392  
Dinsdae - Vrydae tussen 08:00 & 12:00

Jasmynlaan, Gardeniapark  
**10 Maart 2019 om 18:00**

## 3 Augustus 2019 WILDSFEES

Bok-Kompetisie 3 Augustus  
trekking om 21:00  
(kaartjie beskikbaar)

### Bespreek solank jou losie

Ons nodig wild!!!!

**Bokke op Spit**  
**Varke op Spit**  
**Skape op Spit**  
**Heerlike bykosse**

**Losie Kuier**  
by vure/10 per losie  
Koste: R150 pp  
Tyd: 18:00

Kontak:  
Heidi  
082 896 8062  
Sandra  
082 902 3960

Vir groot en klein!!

## Wêreldbiddag vir Vroue - 2019:

Hierdie geleentheid vir vroue vind op Vrydag 1 Maart plaas, dit is altyd die eerste Vrydag in Maart. Die skrywerland is Slowenië en die tema is, **Kom - alles is gereed!** - klik [hier](#) vir die bestelvorm. Op die [webwerf](#) van die Wêreldbiddag vir Vroue verskaf hulle die volgende agtergrondinligting:



The Women's World day of Prayer is a global ecumenical movement of Christian women. In more than 170 countries, they come together on the first Friday in March to join in prayer and action for peace and justice. The World day of Prayer brings together women of various races, cultures and churches in fellowship and understanding. In South Africa the first World Day of Prayer service was held in March 1930 in the Sea Point Congregational Church. In 1946 a National Committee for Southern Africa was established. Members of this Committee are nominated by a variety of church leadership.

Byeenkomste vind reeds by die volgende twee gemeentes plaas - ander gemeentes wat ook sulke geleenthede reël, is welkom om die inligting na [kerkinfo@ngkvs.co.za](mailto:kerkinfo@ngkvs.co.za) te stuur (onthou om adresse by te voeg):

#### NG Gardeniapark:

#### NG Boshof (Kerkstraat 10):



**NG Huguenoot:** Nog 'n geleentheid wat in Bloemfontein gaan plaasvind is by die **NG Gemeente Huguenoot, Picardystraat 2, Bayswater, op 1 Maart 2019 om 18:00**, met **ds Elsa Meyer** as die gasspreker.

## OPLEIDINGSGELEENTHEDE



### Verstaan die direkte 2020-vertaling van die Bybel - 'n Moderne Bybelvertalingskursus:

Wil jy graag meer weet oor die vertalingsmetode agter die direkte vertaling van die Bybel wat in 2020 verskyn? Die **Departement Hebreeus aan die UV** het 'n **3de-jaars semesterkursus in Moderne Bybelvertaling vir die tweede semester van 2019 ontwikkel** om jou nuuskierigheid te bevredig. Enige een met minstens Hebreeus 2 kan inskryf, al het jy dit 30 jaar gelede gedoen en is jou Hebreeus verroes.

Die kursus word virtueel aangebied (**ZOOM**). Jy kan dus in jou eie studeerkamer voor jou rekenaar sit en deelneem. Jou klasmaats, die dosent en die *Powerpoint*-aanbieding sal op jou skerm vertoon en hulle sal jou en al jou vrae hoor! Julle gaan oor die invloed van nuwe ontdekkings in die grammatika, literatuur en kultuur op die 2020-vertaling praat, asook die rol wat ideologie hierin speel. Trouens, verskillende vertalings word uit hierdie hoek vergelyk... en daar is nog baie meer. Die kursus is so

prakties dat dit vir jou Bybelstudie en preekmateriaal in die hand sal gee. Die koste beloop ongeveer R5 235 (RSA) en R7 625 (ander SADEC-lande).

**Sluitingsdatum vir aansoeke is gedurende Maart 2019.** Jy sal as geleentheidstudent moet registreer, maar prof Cynthia Miller-Naudé ([millercl@ufs.ac.za](mailto:millercl@ufs.ac.za)), Departementshoof van Hebreeus, sal jou hiermee help - **kontak haar so spoedig moontlik.** 'n Volledige inligtingspamflet is ook by Bertus Celliers ([bertus9@mymtnmail.co.za](mailto:bertus9@mymtnmail.co.za)), Barnard Steyn ([bicsteyn@ngkvs.co.za](mailto:bicsteyn@ngkvs.co.za)) en prof Jacobus Naudé ([naudej@ufs.ac.za](mailto:naudej@ufs.ac.za) / 078 458 9982), beskikbaar. Klik ook [hier](#) vir 'n meer volledige inligtingstuk oor dié kursus.

**'n VBO-geleentheid - Studietoer na Israel:** Wou u nog altyd graag na Israel reis? Besoek die Heilige Land vanaf **21 - 29 November 2019** saam met proff Francois Tolmie en Fanie Snyman, asook dr Lodewyk Sutton van die UV se Fakulteit Teologie en Religie. Belangstellende leraars kan elk **30 - 50 x VBO-punte verdien** (30 punte vir die besoek en 'n verdere 20 punte vir die inhandiging van 'n werkstuk ná aanleiding van dié besoek). **Depositos is teen 31 Maart 2019 betaalbaar** - klik ook [hier](#) vir meer inligting, sowel as die skematiese voorstelling van die reisplan. Rig enige navrae hieroor aan dr Sutton by [suttonl@ufs.ac.za](mailto:suttonl@ufs.ac.za), of by [OberholzerM1@ufs.ac.za](mailto:OberholzerM1@ufs.ac.za)

**Neem asseblief kennis:** Dit is die beleid van *Vrypos* om geen toere te adverteer nie, maar omdat hierdie toer 'n VBO-geleentheid is, word 'n vergunning gemaak.



The poster is titled "Studietoer na ISRAEL" and lists the dates "21-29 November 2019". It features three speakers: Dr. Lodewyk Sutton, Prof. Francois Tolmie, and Prof. Fanie Snyman. The background shows a collage of Israeli landmarks, including the Dome of the Rock in Jerusalem. The logo for "StarGate international" is visible at the bottom left of the poster. Contact information for Lodewyk Sutton is provided at the bottom right.



Klik [hier](#) vir 'n 2019-Jaarprogram van die Excelsus Sentrum vir Bedieningsontwikkeling se opleidingsgeleenthede.

